

tellarie sono stà date al signor duca de Milano, tre da Brexa per Cremona, et tre de Crema per Lodi.

- 341* *Da Verona, di sier Zacaria Orio, di 23, vidi lettere particular.* Come inimici stanno nel paese solito a Peschiera et li intorno, con pensier de starvi, nè si movano Minazano dar el guasto al veronese, visentin et altrove. Dete el taion a Salò, al qual loco de qui è stà mandato archibusieri li a Salò. Scrive, per letere del Capitanio del Lago, se ha che 'l veniva una barca longa la Riva con uno commissario todesco qual voleva tuor el possesso de Salò, et per lui Capitanio con le fuste volendolo prender, lui dete in terra, è scapolà, et per dita armata fu presa la barca, in la qual era do falconeti, molti arcobusi et bote de farina, et altre vituarie.

342 *Die 22 Maij 1528. In Rogatis.*

*Serenissimus Princeps,
Consiliarii omnes,
Ser Bernardus Pisaurus, Caput de Quadraginta,
Sapientes Consilii,
Sapientes terrae firmae.*

Essendo necessaria in la Republica nostra, per la recuperatione de danari la obedientia, quale è da far che se presti da ognuno a le deliberation che sono fate a beneficio publico, imperò che sono alcuni i quali non hanno curato nè curano, secondo la parte presa in questo Conseio a di 6 April proximo passato, portar li 5 bolletini de officii in quella dechiariti, et *tamen* continuano in li officii contra la forma de essa parte, in la qual se contien che passato esso mese de April, quelli che non havesseno portati li deti bolletini fosseno fuora de Consigli over officii che l'havesseno; el che è contra il decoro de la Signoria nostra, nè se die toller; aziò tuti cognoscano la intention nostra esser che ne sia obedito come è conveniente, perhò:

L'anderà parte, che tutti quelli i quali restano portar li deti 5 bolletini, se non li haranno portati per tuto el presente mese, siano subito privi de li Consigli over officii o altro che havessero, et in loco de quelli se debba cominziar a far electione el primo Gran Conseio *immediate* futuro da poi passato esso mexe; in tal modo zoè, che avanti el far de la proposta, sia tenuto Daniel Vido, soto pena de privatione de la Cancellaria nostra, presentar la nota de tuti quelli che non haveranno portati li ditti 5 bolletini, li quali subito se habbino a imbossolar, et in

loco de uno de quelli che sarà extracto sia fata electione, et cussi se habbi a servar ogni Conseio de extraher uno et far in loco de quello fino che sarà finito de far in loco de tuti li imbossolati. Dechiarendo, che se 'l sarà extracto alcuno el qual sia in officio continuo, quello se intenda privo de esso officio; et se 'l sarà de quelli in loco de quali se habbi a far electione, se debba elezer uno altro; et hessendo de altri, li sia restituito el credito suo dovendo haver per conto de oblation de danari fatta. Medesimamente, sia obligato prefato Daniel, passato el dito termine, et nel giorno istesso che'l darà la nota de nobili, dinotar *etiam* tutti li scrivani, nodari, massari et altri compresi ne la dita parte de 6 April che resteranno portar li ditti 5 bolletini, i quali debbano esser imbossolati et extrati ad uno ad uno sichè i restino privi, et in loco suo sia fata electione de altri, secondo la forma et dispositione de ordeni nostri. Et se tal executione per li Conseieri nostri non fusse fata far, cadaun de loro incorrer debba a pena de ducati 500 da esser scossi per cadauno de Avogadori nostri senza altro Conseio. Questa parte veramente non se intenda valer se *etiam* la non sia aprobat per el Mazor Conseio.

† De parte	122
De non	12
Non sincere	2

Die 23 Maij in Rogatis

342*

*Serenissimus Princeps
Consiliarii omnes
Ser Bernardus Pisaurus, Caput de Quadraginta
Sapientes Consilii.
Sapientes terrae firmae.*

Perchè ne la parte de portar li boletini cinque non è stà compreso de la nova tanza al Monte de subsidio; essendo conveniente che quanto a essa ancora sia provisto medesimamente come è stà fatto de le altre per la recuperation del danaro importantissimo al Stato nostro, sicome è noto ad ognuno, però;

L'anderà parte che tutti, sì nobili come cittadini et altri obligati per la forma de ditta parte de di 6 April proximo passato a portar li bollettini di 5 officii in quella dechiariti *nemine excepto*, siano obligati per tutto el presente mese portar a Daniel Vido uno altro boletin de l'officio di Governadori di l'in-